



**Dal splattermovie fin al scenari surreal**

Il cudesch «La feglia dal fraissen» da Viola Cadruvi tementa, tschiffa e chatscha – durant la lectura.

2



**Be anc 2,12 persunas per chasada**

Pli baud abitavan famiglias grondas sut in tetg. Ussa è quai auter – las cifras en la regiun Alvra.

8

südostschweiz

# LA QUOTIDIANA

FMR Fundaziun Medias Rumantschas, Via da Masans 2, 7000 Cuiria, 081 544 89 10, redacziun@fmr.ch

■ ENGIADINA

## 111avla ediziun dal Chalender Ladin

(fmr/afi) Il Chalender Ladin es l'organ uffical da publicaziun da l'Uniuon dals Grischs. El cumpara adüna d'utuo e cuntregna artichels illustrats e contribuziuns davart la lingua e cultura rumantscha ladina. La cuverta dal nouv Chalender Ladin muossa la via da lat, fotografada da Mayk Wendt. El vain preschantà i'l chalender. «Il Cha-

lender Ladin es üna publicaziun cun üna lunga tradiziun chi rapreschainta tuot las generaziuns e chi reunischa il puter, il bargunsegner e'l vallader», manzuna la redactura Bettina Vital Mani. Ella inclegia si'incumbenza sco intermediatura, dramaturga e redschissura.

> PAGINA 7

■ GRISCHUN



Il luf occupa vinavant la politica.

FOTO BEN LACK CC BY 2.0

## «In cumpromiss equilibrà»

(fmr/mc) Cun in «cumpromiss equilibrà» vul la cumissiun dal Cussegl nazional lantschar ina nova emprova per ina «regulaziun pragmatica» dal luf. En il medem mument duai la protecciun da las muntaneras vegnir rinforzada e la convivenza tranter luf ed uman megliurada. La cumissiun vul cuntanscher questa finamira tant cun in'iniziativa parlamentara per ina soluziun a lunga vista sco cun ina

moziun ch'intenda ina regulaziun svelta a basa da la lescha verenta. Damai che la decisiun davart l'iniziativa è crudada piz a cup cun 12:11 vuschs e duas abstenziuns dastgan ins quintar cun ina lunga e stentusa debatta en il parlament federal. Malgrà la necessitad d'agir restan las finamiras cuntraversas. La FMR ha rimnà emprimas reacziuns.

> PAGINA 2

■ GRISCHUN CENTRAL

## Scu anfignen ossa

(fmr/gns) Igl tutgier d'Avemareia è cunzont ainten las pleivs catolicas ena tradiziun da decennis. Chegl vala er per las treis fracziuns Lain, Muldain e Zorten digl cumegn da Vaz. Tutgia vign d'Avemareia allas 05.30. Per blers digls abitants è chegl bler mengia bod e vetiers seia igl tutgem en disturbu. Da tutgier d'Avemareia

seia igl pi bod allas 07.00 èn blers abitants digl meini. Dalla radunanza digl cumegn-baselia da Vaz è igl tutgier d'Avemareia all'oura er sto en tractandum. Facit dallas grondas discussiuns: tutgia d'Avemareia fign scu anfignen ossa allas 05.30.


> PAGINA 9

## Schluein creativ

AUGUSTIN BEELI/FMR

■ En biars loghens ei l'approbaziun dil pei da taglia mintg'onn ina caussa plitost formala. Nun ch'ei detti ina proposta gagliarda. Sco quella actuala dalla suprapronza communal da Schluein. Ils da Laax vivan bein cun lur pei da taglia, igl ei in dils bass dil Grischun. Per la vischnaunca da Schluein eis ei in exempel ch'ella vul suandar. Ils davos diesch onns ei la quota sereuducida da 110 sin actualmei 70 pertschien. Disavantatgs, excepü il traffic da transit, semuossan buca pils habitonts. La suprapronza propona danovamein ina reducciun, per 20 pertschien sin niev 50 pertschien. Aunc in'otra tractanda a Schluein ei apparentamein creativa: La vischnaunca vul baghegiar in plaz da staziunar autos-rulotta.

> PAGINA 7



La via Isla Sura cala en quei liug: Gl'onn proxim eis ei previu da baghegiar quella via che cunfinescha culla plazza da ballapei.

FOTO AUGUSTIN BEELI

«Peppino era il reporter dil scuar, il Beni Thurnheer dil far or neiv.»

E rge ch'il pedel Peppino aveva da raquintar l'entir di, quai sa Claudio Spescha – Pagina 12

## Trais dunnas – trais istorgias



### «Be gualiv nu vaja ninglur»

■ (fmr/fa) In venderdi, ils 20 november, cumplischa Alice Lemm-Schneller seis tschientavel anniversari. La plü veglia abitanta da la Val Müstair es da buna sandà ed abita a Sta. Maria. «Eu n'ha gnü üna vita tuot normala», disch la giubilara, «cun bun e nosch, be gualiv nu vaja ninglur. Ma fin l'ultim esa tuot in uorden.» Ella abita amo a chasa, ha però il sustegn da sias filias Sonja e Ladina. «Uschea possa star a chasa pachific», constata ella ed agiundscha ch'ella haja eir amo la Spitex, «quai es eir bun e cumadaivel.» Festa per seis anniversari fa'la be in famiglia, «cun quist virus nu's poja oramai far grondas festas.»

> PAGINA 7



### «Mia professiun da siemi»

■ (fmr/cm) Tatjana Lombris ha fatg la scola da visagista «Face Design» a Wetziikon. Per ella eis ei stau impurtont d'eleger ina professiun nua ch'ella sa esser creativa. La lavur sco emploiada mercantila ha buca savü cuntentar ella a liunga vosta. Pil futur giavischa la giuvna da 22 onns da saver cumbinar sia professiun da siemi cun far viadis entuorn il mund. Ella sa era s'imaginar da terminar in di ina scolaziun da cosmetica ni dessignadra da moda. Pertgei en quella branscha seigi la concurrenza fetg gronda, di la giuvna da Schluein. Sin medias socialas san ins gia ussa contemplar entginas da sias ovras.

> PAGINA 3



### «Jeu selegrel»

■ (fmr/hh) Rita Christen Kreiliger (53) vul daventar l'emprema dunna al tgamun dall'Associaziun dils guids da muntogna dalla Svizra. L'elecziun ha liug sonda proxima. «Jeu selegrel sils pensums e las sfidas che spetgan sin mei en quella funcziun», di la giurista che habitescha cun sia famiglia a Mustér. La patente da guida da muntogna posseda ella dapi biebein 20 onns. Per Rita Christen Kreiliger e sia famiglia ein las muntognas ed ils cuolms buca mo il liug d'ina part da lur engaschament professiunal, mobein era per sedivertir el temps liber. La relaziun cuagl alpinissem ei fetg stretga.

> PAGINA 5



40047



9 771424 749004

Servetsch d'abunents e da distribuziun: tel. 0844 226 236 mail: abo@somedia.ch